

վարդապետի առ դատաւորն ստուգել զիրոն: Եւ նա ժողովեալ զրազմութիւնս այլազգեաց 'ի դատարան, կոչեաց և զկրօնաւորս Լատինաց եւ ընթերցաւ առաջի ամենեցուն զհրովարտակն: Եհարց ապա ցլտտինս, ո՛վ ոք յայլազգեաց աստի նեղեաց զձեզ և զրկեաց, և կամ յափրշտակեաց զինչս ձեր, որպէս չարախօս լեալ էք առ Արքայ, և նոքա յուրաստ եղեալ ասեն: ոչ բողոքեցաք 'ի Դուռն, ոչ այլազգիք նեղեցին զմեզ և կամ արկին տուգանս 'ի վերայ մեր, եւ կամ յափրշտակեցին զինչս: այլ միայն երեք կրօնաւորք մեր հարին զվարդապետն Հայոց, և այն օրինօք դատարանի հաստատեցաւ 'ի վերայ նոցա: Լուեալ դատաւորին զխոստովանութիւն բանից նոցին առաջի բազմութեան այլազգեաց՝ արձանացոյց 'ի գիր, եւ արարեալ հանրագիր առաքեաց 'ի Դուռն:

Գրեալ էին նաեւ Լատինք առ Կուսակալն Դամասկոսի Սիւլէյման Փաշա, և նա գրեաց առ դատաւորս Երուսաղէմի, և առաքեաց 'ի ձեռն պաշտօնէի միոյ, որ կոչէր Գատրի աղա, ստուգել զխնդիրն: Դարձեալ կազմեցաւ ժողով 'ի դատարանի՝ կոչեցան եւ միարտնք Լատինաց, ընթերցաւ զիր Կուսակալին: ապա եհարց Գատրի ցմիաբանս Լատինաց, ով ոք 'ի սոցանէ և կամ յայլազգեաց Երուսաղէմի բռնացաւ 'ի վերայ ձեր և էարկ զձեզ 'ի տուգս և 'ի տուգանս ընդդէմ օրինաց և դատաստանաց, և նոքա ասեն՝ և ոչ ոք, և չունինք դանկատանս զումեքէ: և դատաւորն հանդերձ ժողովով հաստատեաց զբանս նոցա 'ի գիր, եւ տուեալ 'ի ձեռն Գատրի աղայի առաքեաց 'ի Դամասկոս, 1100 (1742):

Յետ այսր դատաստանաց՝ ձեռն արկին Լատինք և յայլ իմն գործ, զոր խորհեալ էին: զի պատճառէին թէ՛ հընացեալ է Գերեզմանն Քրիստոսի, որոյ վասն պարտ է քակել զայն, զհօղս և զքարինս նորին փոխադրել յԵրուսալայիս քաղաքն իւրեանց: լուեալ զայս Իպրահիմ աղայի վերատեսչի կալուածոց Սիւլէյմանայ Արքայի՝ աղղ արար 'ի Դուռն, թէ՛ Լատինք պատճառանօք կամին նորոգել եւ կամ նորոգ չինել զԳերեզմանն, և զրկել անտի զայլ քրիստոնեայս: Վաղ ընդ փոյթ եհաս հրովարտակ յԵրուսաղէմ, խափանել զայնպիսի ձեռնարկս Լատինաց: զի տուեալ էր